

IZVJEŠTAJ NEZAVISNOG REVIZORA

Vlasnicima i upravi preduzeća JKP „ VODOVOD I KANALIZACIJA,, d.o.o. Sanski Most

Obavili smo reviziju finansijskih izvještaja javnog komunalnog preduzeća „VODOVOD I KANALIZACIJA „ d.o.o. Sanski Most za 2016. godinu, koji uključuju Bilans stanja/Izvještaj o finansijskom položaju preduzeća na dan 31.12.2016.godine, Bilans uspjeha/Izvještaj o sveobuhvatnoj dobiti za 2016. godinu, Izvještaj o promjenama u kapitalu za 2016. godinu, Izvještaj o gotovinskim/ novčanim tokovima za 2016. godinu i Bilješke uz finansijske izvještaje.

ODGOVORNOST UPRAVE ZA FINANSIJSKE IZVJEŠTAJE

Uprava je odgovorna za sastavljanje, ispravnost i primjerenost oblika i sadržaja finansijskih izvještaja i drugih informacija u skladu s Međunarodnim Standardima Finansijskog Izvještavanja prihvaćenim u BiH. Odgovornosti uprave uključuju utvrđivanje, uvođenje i održavanje internih kontrola važećih za sastavljanje i objektivan prikaz finansijskih izvještaja u kojima neće biti značajnih pogrešnih prikazivanja uzrokovanih prevarom ili pogreškom, kao i odabir i primjenu odgovarajućih računovodstvenih politika i utvrđivanje razumnih računovodstvenih procjena primjerenih u datim okolnostima.

ODGOVORNOST REVIZORA

Naša odgovornost je izdati mišljenje o finansijskim izvještajima na osnovu obavljene revizije. Reviziju smo obavili u skladu s Međunarodnim Revizijskim Standardima (MRevS) primjenjivim u Federaciji Bosne i Hercegovine koji zahtijevaju pridržavanje etičkih pravila od strane revizora, planiranje i provođenje revizije i prikupljanje dovoljno revizijskih dokaza koji su potrebni za postizanje razumnog uvjerenja da u finansijskim izvještajima nema značajnih pogrešnih prikazivanja.

Revizija uključuje provođenje postupaka radi pribavljanja revizijskih dokaza o iznosima i objavama prikazanim u finansijskim izvještajima, a u cilju dobijanja razumnog uvjerenja da u finansijskim izvještajima nema značajnih pogrešnih prikazivanja. Odabir postupaka ovisi o procjeni revizora, uključujući i procjenu rizika značajnih pogrešnih prikazivanja u finansijskim izvještajima uzrokovanih prevarom ili pogreškom. U procjenjivanju tih rizika revizor razmatra interne kontrole važeće za sastavljanje i objektivan prikaz finansijskih izvještaja koje sastavlja Društvo kako bi odredio odgovarajuće revizorske postupke u datim okolnostima, ali ne i za izražavanje mišljenja o učinkovitosti internih kontrola Društva. Revizija uključuje i procjenjivanje primjenjenih računovodstvenih politika i primjerenost utvrđenih računovodstvenih procjena Uprave, kao i ocjenu cjelokupnog prikaza finansijskih izvještaja.

Vjerujemo da su nam pribavljeni revizijski dokazi dovoljni i čine razumnu osnovu za izražavanje našeg mišljenja.

POZITIVNO MIŠLJENJE

Prema našem mišljenju, finansijski izvještaji prikazuju fer i istinito, u svim značajnim aspektima, finansijski položaj Društva na dan 31.12.2016.godine , te rezultate njegovog poslovanja, promjene na kapitalu i gotovinskom toku za godinu koja je završena na taj dan i u skladu su s Međunarodnim Standardima Finansijskog Izvještavanja.

Dipl.ecc Meliha Kazić
Ovlašteni revizor Društva



DOO „ ME-AD“ Sanski Most
Bulevar VII Korpusa bb
79260 Sanski Most

Fatima Puškar
Direktor revizorskog Društva



Sanski Most, 15.05.2017. godine